

頻伽大藏經

九洲圖書出版社

藏論

卷一百一十五

寂靜無言

龍門先生

卷之八

五

知是獨聞

散

靜若不到

頻伽大藏經第二十四冊目錄

法華部

○無量義經 一卷 蕭齊曇摩伽陀耶舍譯

無量義經序(二四・一) 德行品第一(二四・二) 說法品第二(二四・五) 十功德品

第三(二四・七)

○妙法蓮華經

七卷 后秦鳩摩羅什譯

..... 二四・一一

御制序(二四・一三) 弘傳序(二四・一四) 序品第一(二四・一五) 方便品第二

(二四・二〇) 譬喻品第三(二四・二七) 信解品第四(二四・三六) 藥草喻品第五

(二四・四〇) 授記品第六(二四・四二) 化城喻品第七(二四・四五) 五百弟子受

記品第八(二四・五三) 授學無學人記品第九(二四・五六) 法師品第十(二四・五

八) 見寶塔品第十一(二四・六〇) 提婆達多品第十二(二四・六四) 勸持品第十

三(二四・六六) 安樂行品第十四(二四・六八) 從地湧出品第十五(二四・七二)

如來壽量品第十六(二四・七六) 分別功德品第十七(二四・七八) 隨喜功德品第十

八(二四・八二) 法師功德品第十九(二四・八四) 常不輕菩薩品第二十(二四・八

八) 如來神力品第二十一(二四・九〇) 囑累品第二十二(二四・九一) 藥王菩薩

本事品第二十三(二四・九二) 妙音菩薩品第二十四(二四・九五) 觀世音菩薩普門

品第二十五(二四・九八) 陀羅尼品第二十六(二四・一〇〇) 妙莊嚴王本事品第二

十七(二四・一〇二) 普賢菩薩勸發品第二十八(二四・一〇四) 後序(二四・一〇

七)

○正法華經

十卷 西晉竺法護譯

(二四・一〇九) 2

- 光瑞品第一(二四・一〇九) 善權品第二(二四・一一七) 應時品第三(二四・一二五) 信樂品第四(二四・一三五) 藥草品第五(二四・一四〇) 授聲聞決品第六(二四・一四五) 往古品第七(二四・一四八) 授五百弟子決品第八(二四・一五八) 授阿難羅雲決品第九(二四・一六三) 藥王如來品第十(二四・一六六) 七寶塔品第十一(二四・一七一) 勸說品第十二(二四・一七七) 安行品第十三(二四・一七九) 菩薩從地湧出品第十四(二四・一八三) 如來現壽品第十五(二四・一八八) 御福事品第十六(二四・一九一) 勸助品第十七(二四・一九五) 嘆法師品第十八(二四・一九七) 常被輕慢品第十九(二四・二〇二) 如來神足行品第二十(二四・二〇五) 藥王菩薩品第二十一(二四・二〇六) 妙吼菩薩品第二十二(二四・二一〇) 光世音普門品第二十三(二四・二一三) 總持品第二十四(二四・二一四) 淨復淨王品第二十五(二四・二一六) 樂普賢品第二十六(二四・二一九) 囑累品第二十七(二四・二二一)

○添品妙法蓮華經

七卷 隋闍那崛多共笈多譯

二四・二二二

- 序文(二四・二二四) 序品第一(二四・二二五) 方便品第二(二四・二三〇) 譬喻品第三(二四・二三七) 信解品第四(二四・二四六) 藥草喻品第五(二四・二五〇) 授記品第六(二四・二五五) 化城喻品第七(二四・二五八) 五百弟子授記品第八(二四・二六六) 授學無學人記品第九(二四・二六九) 法師品第十(二四・二七一)

見寶塔品第十一(二四・二七三) 勸持品第十二(二四・二七九) 安樂行品第十三
 (二四・二八一) 從地踊出品第十四(二四・二八五) 如來壽量品第十五(二四・二
 八九) 分別功德品第十六(二四・二九一) 隨喜功德品第十七(二四・二九五) 法
 師功德品第十八(二四・二九六) 常不輕菩薩品第十九(二四・三〇一) 神力品第二
 十(二四・三〇三) 陀羅尼品第二十一(二四・三〇四) 藥王菩薩本事品第二十二
 (二四・三〇六) 妙音菩薩品第二十三(二四・三一〇) 觀世音菩薩普門品第二十四
 (二四・三一二) 妙莊嚴王本事品第二十五(二四・三一五) 普賢菩薩勸發品第二十
 六(二四・三一七) 囑累品第二十七(二四・三一九)

○薩曇分陀利經 一卷 後漢譯附西晉錄 二四・三二〇

○佛說法華三昧經 一卷 劉宋智嚴譯 二四・三二三

○佛說廣博嚴淨不退轉輪經 六卷 劉宋智嚴譯 二四・三三一

○不退轉法輪經 四卷 失譯人名附北涼錄 二四・三七九

序品第一(二四・三八〇) 信行品第二(二四・三八六) 聲聞辟支佛品第三(二四・
 三九二) 重釋二乘相品第四(二四・四〇一) 除想品第五(二四・四〇三) 降魔品
 第六(二四・四〇八) 受記品第七(二四・四一一) 現見品第八(二四・四一七) 安
 養國品第九(二四・四一九)

○佛說阿惟越致遮經 三卷 西晉竺法護譯 二四・四二四

卷上(二四・四二五) 卷中(二四・四三九) 卷下(二四・四五六)

○大薩遮尼乾子所說經 十卷 元魏菩提留支譯 二四・四六九

序品第一(二四・四七〇) 問疑品第二(二四・四七二) 一乘品第三(二四・四七四)
 詣嚴熾王品第四(二四・四八六) 王論品第五(二四・四八九) 請食品第六(二四・
 五〇四) 問罪過品第七(二四・五〇六) 如來無過功德品第八(二四・五一一)
 詣如來品第九(二四・五三九) 說法品第十(二四・五三九) 授記品第十一(二四・
 五四三) 信功德品第十二(二四・五四七)

○佛說菩薩行方便境界神通變化經

三卷 劉宋求那跋陀羅譯

二四・五四九

○金剛三昧經

一卷 失譯人名附北涼錄

二四・五七六

○大法鼓經

二卷 劉宋求那跋陀羅譯

二四・五九一

○佛說觀普賢菩薩行法經

一卷 劉宋曇無密多譯

二四・六〇七

涅槃部

○大般涅槃經

四十卷 北涼曇無讖譯

二四・六一七

經序(二四・六一七) 壽命品第一(二四・六二二) 金剛身品第二(二四・六五〇)
 名字功德品第三(二四・六五三) 如來性品第四(二四・六五四) 一切大衆所問品第
 五(二四・七一一) 現病品第六(二四・七二四) 聖行品第七(二四・七三〇) 梵行
 品第八(二四・七六二) 嬰兒行品第九(二四・八一七)

無量義經目錄

無量義經序

德行品第一

說法品第二

十功德品第三

無量義經目錄

無量義經序

蕭齊荊州隱士劉虬作

無量義經者。取其無相一灑。廣生衆教。含義不貲。故曰無量。夫三界群生。隨業而轉。一極正覺。任機而通。流轉起滅者。必在苦而希樂。此叩聖之感也。順通示現者。亦施悲而用慈。卽救世之應也。根異教殊。其階成七。先爲波利等說五戒。所謂人天善根一也。次爲拘隣等轉四諦。所謂授聲聞乘二也。次爲中根演十二因緣。所謂授緣覺乘三也。次爲上根。舉六波羅蜜。所謂授以大乘四也。衆教宣融。群疑須導。次說無量義經。既稱得道差品。復云未顯真實。使發求實之冥機。用開一極之由緒五也。故法華接唱顯一除三。順彼求實之心。去此施權之名六也。雖權開而實現。猶掩常住之正義。在雙樹而臨崖。乃暢我淨之玄音七也。過此以往。法門雖多。撮其大歸。數盡於此。亦由衆聲不出。五音之表。百氏竝在六家之內。其無量義經。雖法華首戴其目。而中夏未覩其說。每臨講肆。未嘗不廢談而歎想見斯文。忽有武當山比丘慧表。生自瑤胄。僞帝姚略從子。國破之日。爲晉軍何澹之所得。數歲聰黠。澹之字曰螟蛉。養爲假子。俄放出家。便勤苦求道。南北遊尋。不擇夷險。以齊建元三年。復訪奇搜祕。遠至嶺南。於廣州朝廷寺。遇中天竺沙門曇摩伽陀耶舍。手能隸書。口解齊言。欲傳此經。未知所授。表便殷勤致請。心形俱至。淹歷旬朔。僅得一本。仍還嶠北。齋入武當。以今永明三年九月十八日。頂戴出山。見校弘通。奉觀真文。欣敬兼誠。詠歌不足。手舞莫宣。輒虔訪宿。解抽刷庸思。謹立序注云。

自極教應世與俗而差。神道教物稱感成異。玄圃已東。號曰太一。劇寶以西。字爲正學。東國明殃慶於百年。西域辯休。答於三世。希無之與修。空其接一也。有欲於無者。既無得無之分。施心於空者。豈有入空之照。而講求釋教者。或謂會理可漸。或謂入空必頓。請試言之。以筌幽奇。立漸者。以萬事之成。莫不有漸。堅冰基於履霜。九仞成於累土。學人之入空也。雖未圓符。譬如斲木去寸。無寸去尺。無尺三空稍登。寧非漸耶。立頓者。以希善之功。莫過觀法。性法性從緣。非有非無。忘慮於非。有非無理。照斯一者。乃曰解空。存心於非。有非無境。智猶二者。未免於有。有中伏結。非無日損之驗。空上論心。未有人理之効。而言納羅漢於一聽。判無生於終朝。是接誘之言。非稱實之說。妙得非漸。理固必然。既二談分路。兩意爭途。一去一取。莫之或正。尋得旨之匠。起自支安。支公之論無生。以七住爲道。慧陰足十住。則羣方與能。在迹斯異。語照則一。安公之辯異觀。三乘者。始實之日。稱定慧者。終成之實錄。此謂始求可隨根。而三入解。則其慧不二。譬喻亦云。大難既夷。乃無有三險。路既息。其化即亡。此則名一爲三。非有三悟明矣。生公云。道品可以泥洹。非羅漢之名。六度可以至佛。非樹王之謂。斬木之喻。木存故尺寸可漸。無生之證。生盡故其照必頓。案三乘名教。皆以生盡照息。去有入空。以此爲道。不得取像於形器也。今無量義亦以無相爲本。若所證實異。豈曰無相。若入照必同。寧曰有漸。非漸而云漸。密筌之虛教耳。如來亦云。空拳誑小兒。以此度衆生。微文接蠱。漸說或允。忘象得意。頓義爲長。聊舉大較。談者擇焉。

無量義經德行品第一

蕭齊天竺三藏曇摩伽陀耶舍譯

如是我聞。一時佛在王舍城耆闍崛山中。與大比丘衆萬二千人俱。菩薩摩訶薩八萬人。天龍夜叉。乾闥婆。阿修羅。迦樓羅。緊那羅。摩睺羅伽。諸比丘。比丘尼。優婆塞。優婆夷。俱。大轉輪王。小轉輪王。金輪銀輪。諸轉輪王。國王。王子。國臣。國民。國士。國女。國大長者。各與眷屬百千萬數。而自圍遶。來詣佛所。頭面禮足。遶百千匝。燒香散華。種種供養。供養佛已。退一面坐。其菩薩名曰文殊師利法王子。大威德藏法王子。無憂藏法王子。大辯藏法王子。彌勒菩薩。導首菩薩。藥王。

菩薩藥上菩薩。花幢菩薩。花光幢菩薩。陀羅尼自在王菩薩。觀世音菩薩。大勢至菩薩。常精進菩薩。寶印手菩薩。寶積菩薩。寶杖菩薩。越三界菩薩。毗摩羅菩薩。香象菩薩。大香象菩薩。師子吼王菩薩。師子遊戲世菩薩。師子奮迅菩薩。師子精進菩薩。勇銳力菩薩。師子威猛伏菩薩。莊嚴菩薩。大莊嚴菩薩。如是等菩薩摩訶薩。八萬人俱。是諸菩薩莫不皆是法身大士。戒定慧解脫解脫知見之所成就。其心禪寂常在。三昧恬安。恬怕無爲。無欲顛倒。亂想不復得入。靜寂清澄。志立虛漠。守之不動。億百千劫。無量法門。悉現在前。得大智慧。通達諸法。曉了分別。性相真實。有無長短。明現顯白。又能善知諸根性。欲以陀羅尼無礙辯才。請佛轉法輪。隨順能轉。微滯先墮。以淹欲塵。開涅槃門。扇解脫風。餘世熱惱。致法清涼。次降甚深十二因緣。用灑無明。老病死等。猛盛熾然。苦聚日光。爾乃洪注。無上大乘潤漬。衆生諸有善根。布善種子。遍功德田。普令一切發菩提萌。智慧日月方便時節。扶踈增長。大乘事業。令衆疾成。阿耨多羅三藐三菩提。常住快樂。微妙真實。無量大悲。救苦衆生。是諸衆生。眞善知識。是諸衆生。大良福田。是諸衆生。不請之師。是諸衆生。安隱樂處。救處護處。大依止處。處處爲衆作大導師。能爲生盲而作眼目。聾剝啞者。作耳鼻舌。諸根毀缺。能令具足。顛狂荒亂。作大正念。船師。大船師。運載羣生。渡生死河。置涅槃岸。醫王大醫王。分別病相。曉了藥性。隨病授藥。令衆樂服。調御大調御。無諸放逸。行猶如象馬。師能調無不調。師子勇猛。威伏衆獸。難可沮壞。遊戲菩薩。諸波羅蜜。於如來地。堅固不動。安住願力。廣淨佛國。不久得成。阿耨多羅三藐三菩提。是諸菩薩摩訶薩。皆有如是不思議功德。其比丘名曰大智舍利弗。神通目健連。慧命須菩提。摩訶迦旃延。彌多羅尼子。富樓那。阿若憍陳如等。天眼阿那律。持律憂波離。侍者阿難。佛子。羅云。優波難陀。離婆多。劫賓那。薄拘羅。阿周陀。莎伽陀。頭陀。大迦葉。憂樓頻螺迦葉。伽耶迦葉。那提迦葉。如是等比丘萬二千人。皆阿羅漢。盡諸結漏。無復縛著。眞正解脫。爾時大莊嚴菩薩摩訶薩。遍觀衆坐。各定意已。與衆中八萬菩薩摩訶薩。俱從坐而起。來詣佛所。頭面禮足。遶百千匝。燒散天華。天香。天衣。天瓔珞。天無價寶。從空中旋轉來下。四面雲集。而獻於佛。天廚天鉢器。天百味。充滿盈溢。見色聞香。自然飽足。天幢。天幡。天幢蓋。天妙樂具。處處安置。作天伎樂。娛樂於佛。卽前踰跪合掌。一心俱共同聲。說偈讚言。

大哉大悟大聖主 無垢無染無所著 天人象馬調御師 道風德香熏一切 智恬情怕慮凝靜

意滅識亡心亦寂 永斷夢妄思想念 無復諸大陰界入 其身非有亦非無 非因非緣非自他
 非方非圓非短長 非出非沒非生滅 非造非起非爲作 非坐非臥非行住 非動非轉非閑靜
 非進非退非安危 非是非非非得失 非彼非此非去來 非青非黃非赤白 非紅非紫種種色
 戒定慧解知見生 三明六通道品發 慈悲十力無畏起 旋髮紺青頂肉髻 衆生善業因緣出
 方整照耀甚明徹 毫相月旋頂日光 旋髮紺青頂肉髻 淨眼明照上下眴 示爲丈六紫金暉
 脣舌赤好若丹菓 白齒四十猶珂雪 額廣鼻脩面門開 胷表卅字師子臆 眉睫紺舒方口頰
 腋掌合縷內外握 臂脩肘長指直纖 皮膚細軟毛右旋 如是等相三十二 八十種好似可見
 表裏映徹淨無垢 淨水莫染不受塵 無相之相有相身 衆生身相相亦然 能令衆生歡喜禮
 一切有相眼對絕 成就如是妙色身 戒定慧解知見聚 我等八萬之等衆 俱共稽首咸歸命
 因是自高我慢除 稽首歸依法色身 微妙清淨甚深遠 有聞或得須陀洹 斯陀阿那阿羅漢
 象馬調御無著聖 微妙清淨甚深遠 有聞或得須陀洹 斯陀阿那阿羅漢 演說甚深微妙偈
 梵音雷震嚮八種 無量生死衆結斷 無礙樂說大辯才 如是法輪相如是 稽首歸依緣諦度
 出沒水火身自由 稽首歸依梵音聲 普及一切諸衆生 能捨一切諸難捨 世尊往昔無量劫
 奉持諸佛清淨戒 乃至失命不毀傷 遍學一切衆道法 歸依能勸諸難勸 若人刀杖來加害
 晝夜攝心常在禪 我等咸共俱稽首 歸依能勸諸難勸 智慧深入衆生根 是故今得自在力
 於法自在爲法王

無量義經說法品第二

爾時大莊嚴菩薩摩訶薩與八萬菩薩摩訶薩說是偈讚佛已俱白佛言世尊我等八萬菩薩之衆今者欲於如來法中有所諮問不審世尊垂慈聽不佛告大莊嚴菩薩及八萬菩薩言善哉善哉善男子善知是時恣汝所問如來不久當般涅槃涅槃之後普令一切無復餘疑欲何所問便可說也於是大莊嚴菩薩與八萬菩薩即共同聲白佛言世尊菩薩摩訶薩欲得疾成阿耨多羅三藐三菩提應當修行何等法門何等法門能令菩薩疾得阿耨多羅三藐三菩提若有菩薩學是法門者則能疾得阿耨多羅三藐三菩提世尊是法門者號字何等其義云何菩薩云何修行佛言善男子是一法門名為無量義菩薩欲得修學無量義者應當觀察一切諸法自本來今性相空寂無大無小無生無滅非住非動不進不退猶如虛空無有二法而諸衆生虛妄橫計是此是彼是得是失起不善念造衆惡業輪迴六趣備諸苦毒無量億劫不能自出菩薩摩訶薩如是諦觀生憐愍心發大慈悲將欲救拔又復深入一切諸法法相如是生如是法法相如是住如是法法相如是異如是法法相如是滅如是法法相如是能生惡法法相如是能生善法住異滅者亦復如是菩薩如是觀察四相始末悉遍知已次復諦觀一切諸法念念不住新新生滅復觀即時生住異滅如是觀已而入衆生諸根性欲性欲無量故說法無量說法無量義亦無量無量義者從一法生其一法者即無相也如是無相無相不相不相無相名為實相菩薩摩訶薩安住如是真實相已所發慈悲明諦不虛於衆生所真能拔苦苦既拔已復爲說法令諸衆生受於快樂善男子菩薩若能如是修一法門無量義者必得疾成阿耨多羅三藐三菩提善男子如是甚深無上大乘無量義經文理眞正尊無過上三世諸佛所共守護無有衆魔羣道得入不爲一切邪見生死之所壞敗是故善男子菩薩摩訶薩若欲疾成無上菩提應當修學如是甚深無上大乘無量義經爾時大莊嚴菩薩復白佛言世尊世尊說法不可思議衆生根性亦不可思議法門解脫亦不可思議我等於佛所說諸法無復疑惑而諸衆生生迷惑心故重諮問世尊自從如來得道已來四十餘年常爲衆生演說諸法四相之義苦義空義無常無我無大無小無生無滅一切無相法性法相本來空寂不來不去不出不沒若有聞者或得燭法頂法世第一法須陀洹果斯陀含果

阿那含果阿羅漢果辟支佛道發菩提心登第一地第二第三至第十地往日所說諸法之義與今所說有何等異而言甚深無上大乘無量義經菩薩修行必得疾成無上菩提是事云何唯願世尊慈愍一切廣爲衆生而分別之普令現在及未來世有聞法者無餘疑網於是佛告大莊嚴菩薩善哉善哉大善男子能問如來如是甚深無上大乘微妙之義當知汝能多所利益安樂人天拔苦衆生眞大慈悲信實不虛以是因緣必得疾成無上菩提亦令一切今世來世諸有衆生得成無上菩提善男子自我道場菩提樹下端坐六年得成阿耨多羅三藐三菩提以佛眼觀一切諸法不可宣說所以者何以諸衆生性欲不同性欲不同種種說法種種說法以方便力四十餘年未曾顯實是故衆生得道差別不得疾成無上菩提善男子法譬如水能洗垢穢若井若池若江若河溪渠大海皆悉能洗諸有垢穢其法水者亦復如是能洗衆生諸煩惱垢善男子水性是一江河井池溪渠大海各別異其法性者亦復如是洗除塵勞等無差別三法四果二道不一善男子水雖俱洗而非井池池非江河溪渠非海而如來世雄於法自在所說諸法亦復如是初中後說皆能洗除衆生煩惱而初非中而中非後初中後說文辭雖一而義各異善男子我起樹王詣波羅奈鹿野園中爲阿若拘隣等五人轉四諦法輪時亦說諸法本來空寂代謝不住念念生滅中間於此及以處處爲諸比丘并衆菩薩辯演宣說十二因緣六波羅蜜亦說諸法本來空寂代謝不住念念生滅今復於此演說大乘無量義經亦說諸法本來空寂代謝不住念念生滅善男子是故初說中說今說文辭是一而義差異義異故衆生解異解異故得法得果得道亦異善男子初說四諦爲求聲聞人而八億諸天來下聽法發菩提心中於處處演說甚深十二因緣爲求辟支佛人而無量衆生發菩提心或住聲聞次說方等十二部經摩訶般若華嚴海雲演說菩薩歷劫修行而百千比丘萬億人天無量得須陀洹得斯陀含得阿那含得阿羅漢住辟支佛因緣法中善男子以是義故故知說同而義別異義異故衆生解異解異故得法得果得道亦異是故善男子自我得道初起說法至于今日演說大乘無量義經未曾不說苦空無常無我非眞非假非大非小本來不然今亦不滅一切無相法相法性不來不去而衆生四相所遷善男子以是義故諸佛無有二三能以一音普應衆聲能以一身示百千萬億那由他無量無數恒河沙身一一身中又示若干百千萬億那由他阿僧祇恒河沙種種類形一一形中又示若干百千萬億那由他阿僧祇恒河沙形善

男子是則諸佛不可思議甚深境界。非二乘所知。亦非十住菩薩所及。唯佛與佛乃能究了。善男子。是故我說微妙甚深無上大乘無量義經。文理真正尊無過上。三世諸佛所共守護。無有衆魔外道得入。不爲一切邪見生死之所壞敗。菩薩摩訶薩若欲疾成無上菩提。應當修學如是甚深無上大乘無量義經。佛說是已。於是三千大千世界六種震動。自然空中雨種種花。天憂鉢羅華。鉢曇摩華。拘物頭華。分陀利華。又雨無數種種天香。天衣。天瓔珞。天無價寶。於上空。中旋轉來下。供養於佛。及諸菩薩。聲聞大衆。天廚。天鉢器。天百味。充滿盈溢。天幢。天幡。天幢蓋。天妙樂具。處處安置。作天伎樂。歌歎於佛。又復六種震動。東方恒河沙等諸佛世界。亦雨天華。天香。天衣。天瓔珞。天無價寶。天廚。天鉢器。天百味。天幢。天幡。天幢蓋。天妙樂具。作天伎樂。歌歎彼佛。及彼菩薩。聲聞大衆。南西北方四維上下。亦復如是。於是衆中三萬二千菩薩摩訶薩。得無量義三昧。三萬四千菩薩摩訶薩。得無數無量陀羅尼門。能轉一切三世諸佛不退轉法輪。其諸比丘比丘尼。優婆塞。優婆夷。天龍夜叉。乾闥婆。阿修羅。迦樓羅。緊那羅。摩睺羅伽。大轉輪王。小轉輪王。銀輪鐵輪。諸轉輪王。國王。王子。國臣。國民。國土。國女。國大長者。及諸眷屬。百千衆俱聞佛如來說是經時。或得燄法。頂法。世間第一法。須陀洹果。斯陀含果。阿那含果。阿羅漢果。辟支佛果。又得菩薩無生法忍。又得一陀羅尼。又得二陀羅尼。又得三陀羅尼。又得四陀羅尼。五六七八九十陀羅尼。又得百萬千億陀羅尼。又得無量無數恒河沙阿僧祇陀羅尼。皆能隨順轉不退轉法輪。無量衆生發阿耨多羅三藐三菩提心。

無量義經十功德品第三

爾時大莊嚴菩薩摩訶薩。復白佛言。世尊。世尊說是微妙甚深無上大乘無量義經。真實甚深甚深。所以者何。於此衆中。諸菩薩摩訶薩。及諸四衆。天龍鬼神。神王。臣民。諸有衆生。聞是甚深無上大乘無量義經。無不獲得陀羅尼門。三法四果菩提之心。當知此經文理真正尊無過上。三世諸佛之所守護。無有衆魔羣道得入。不爲一切邪見生死之所壞敗。所以者何。一聞能持一切法故。若有衆生得聞是經。則爲大利。所以者何。若能修行。必得疾成阿耨多羅三藐三菩提。其有衆生不得聞者。當知是等爲失大利。過無量無邊不可思議阿僧祇劫。終不得成阿耨多羅三藐三菩提。所以者何。不知菩提大道。直放行於險徑。多留難故。世尊。是經典者。不可思議。唯願世尊廣爲大衆慈哀敷演。是經甚

深不思議事。世尊是經典者。從何所來。去何所至。住何所住。乃有如是無量功德。不思議力。令衆疾成阿耨多羅三藐三菩提。爾時世尊告大莊嚴菩薩摩訶薩。言善哉善哉。善男子。如是如是。如汝所言。善男子。我說是經甚深甚深。真實甚深。所以者何。令衆疾成阿耨多羅三藐三菩提。故一聞能持一切法。故於諸衆生大利益。故行大直道。無留難。故善男子。汝問是經從何所來。去至何所。住何所。住者當善諦聽。善男子。是經本從諸佛宮宅中來。去至一切衆生發菩提心。住諸菩薩所行之處。善男子。是經如是來。如是去。如是住。是故此經能有如是無量功德。不思議力。令衆疾成阿耨多羅三藐三菩提。善男子。汝寧欲聞是經復有十不思議功德力。不大莊嚴言。願樂欲聞。佛言善男子。第一是經能令菩薩未發心者發菩提心。無慈仁者起於慈心。好殺戮者起大悲心。生嫉妬者起隨喜心。有愛著者起能捨心。諸慳貪者起布施心。多憍慢者起持戒心。瞋恚盛者起忍辱心。生懈怠者起精進心。諸散亂者起禪定心。於愚癡者起智慧心。未能度彼者起度彼心。行十惡者起十善心。樂有爲者志無爲心。有退心者作不退心。爲有漏者起無漏心。多煩惱者起除滅心。善男子。是名是經第一功德。不思議力。善男子。第二是經不可思議功德力者。若有衆生得是經者。若一轉若一偈。乃至一句。則能通達百千億義。無量數劫不能演說。所受持法。所以者何。以其是法義無量。故善男子。是經譬如從一種子生百千萬。百千萬中。一一復生百千萬數。如是展轉乃至無量。是經典者亦復如是。從於一法生百千義。百千義中。一一復生百千萬數。如是展轉乃至無量無邊之義。是故此經名無量義。善男子。是名是經第二功德。不思議力。善男子。第三是經不可思議功德力者。若有衆生得聞是經。若一轉若一偈。乃至一句。通達百千萬億義。已雖有煩惱。如無煩惱。出生入死。無怖畏。想於諸衆生。生憐愍心。於一切法得勇健想。如壯力士能擔能持。諸有重者。是持經人亦復如是。能荷無上菩提重寶。擔負衆生。出生死道。未能自度。已能度彼。猶如船師。身嬰重病。四體不御。安止此岸。有好堅牢船舟。常辦諸度彼者之具。給與而去。是持經者亦復如是。雖嬰五道諸有之身。百八重病。常恒相纏。安止無明老死。此岸而有堅牢此大乘經。無量義辦。能度衆生。能如說行者。得度生死。善男子。是名是經第三功德。不思議力。善男子。第四是經不可思議功德力者。若有衆生得聞是經。若一轉若一偈。乃至一句。得勇健想。雖未自度。而能度他。與諸菩薩。以爲眷屬。諸佛如來。常向是人而演說法。是人聞已。悉能受持。隨順不逆。轉復爲人。隨宜廣說。善男子。是人

譬如國王夫人新生王子。若一日。若二日。若至七日。若一月。若二月。若至七月。若一歲。若二歲。若至七歲。雖復不能領理國事。已爲臣民之所崇敬。諸大王子以爲伴侶。王及夫人愛心偏重。常與共語。所以者何。以稚小故。善男子。是持經者。亦復如是。諸佛國王是經夫人。和合共生是菩薩子。若是菩薩得聞是經。若一句。若一偈。若一轉。若二轉。若十。若百。若千。若萬。若億。萬億。若恒河沙。無量無數。轉雖復不能體真理極。雖復不能震動三千大千國土。雷震梵音。轉大法輪。已爲一切四衆八部之所宗仰。諸大菩薩以爲眷屬。深入諸佛祕密之法。所可演說。無違無失。常爲諸佛之所護念。慈愛偏覆。以新學故。善男子。是名是經第四功德。不思議力。善男子。第五是經不可思議功德力者。若善男子善女人。若佛在世。若滅度後。其有受持讀誦書寫如是甚深無上大乘無量義經。是人雖復具縛煩惱。未能遠離諸凡大事。而能示現大菩提道。延於一日。以爲百劫。百劫亦能促爲一日。令彼衆生歡喜信伏。善男子。是善男子善女人。譬如龍子。始生七日。卽能興雲。亦能降雨。善男子。是名是經第五功德。不思議力。善男子。第六是經不可思議功德力者。若善男子善女人。若佛在世。若滅度後。受持讀誦是經典者。雖具煩惱。而爲衆生說法。令得遠離煩惱。生死斷一切苦。衆生聞已。修行得法。得果。得道。與佛如來等無差別。譬如王子。雖復稚小。若王遊巡。及以疾病。委是王子領理國事。王子是時依大王命。如法教令。羣寮百官宣流正化。國土人民各隨其安。如大王治等。無有異持。經善男子善女人。亦復如是。若佛在世。若滅度後。是善男子。雖未得住。初不動地。依佛如是用說教法。而敷演之。衆生聞已。一心修行。斷除煩惱。得法得果。乃至得道。善男子。是名是經第六功德。不思議力。善男子。第七是經不可思議功德力者。若善男子善女人。於佛在世。若滅度後。得聞是經。歡喜信樂。生希有心。受持讀誦書寫解說。如法修行。發菩提心。起諸善根。興大悲意。欲度一切苦惱衆生。雖未修行六波羅蜜。六波羅蜜自然在前。卽於是身。得無生忍。生死煩惱一時斷壞。卽昇第七地。與大菩薩位。譬如健人。爲王除怨。怨既滅已。王大歡喜。賞賜半國之封。皆悉與之。持經男子女人。亦復如是。於諸行人。最爲勇健。六度法寶。不求自至。生死怨敵。自然散壞。證無生忍。半佛國寶。封賞安樂。善男子。是名是經第七功德。不思議力。善男子。第八是經不可思議功德力者。若善男子善女人。於佛在世。若滅度後。有人能得是經典者。敬信如視佛身。令等無異。愛樂是經。受持讀誦書寫頂戴。如法奉行。堅固戒忍。兼行檀度。深發慈悲。以此無上大乘無量義經。廣爲人說。若人

先來都不信有罪福者。以是經示之。設種種方便。強化令信。以經威力故。發其人心。歛然得迴。信心既發。勇猛精進。故能得是經威德勢力。得道得果。是故善男子。善女人。卽於是身。得無生法。忍得至上地。與諸菩薩。以爲眷屬。速能成就。衆生淨佛國土。不久得成無上菩提。善男子。是名是經第八功德。不思議力。善男子。第九是經。不可思議功德力者。若善男子。善女人。若佛在世及滅度後。有得是經歡喜踊躍。得未曾有。受持讀誦。書寫供養。廣爲衆人分別解說。是經義者。卽得宿業餘罪重障。一時滅盡。便得清淨。速得大辯。次第莊嚴。諸波羅蜜。獲諸三昧。首楞嚴三昧。入大總持門。得懃精進力。速越上地。善能分身散體。遍十方國。拔濟一切二十五有。極苦衆生。悉令解脫。是故是經。有如此力。善男子。是名是經第九功德。不思議力。善男子。第十是經。不可思議功德力者。若善男子。善女人。若佛在世及滅度後。若得是經。發大歡喜。生希有心。卽自受持讀誦。書寫供養。如說修行。復能廣勸。在家出家人。受持讀誦。書寫供養。解說如法修行。既令餘人修行。是經力故。得道得果。皆由是善男子。善女人。慈心懃化力故。是善男子。善女人。卽於是身。便速無量諸陀羅尼門。於凡夫地。自然初時。能發無數阿僧祇弘誓大願。深能發救一切衆生。成就大悲。廣能救苦。厚集善根。饒益一切。而演法澤。洪潤枯涸。以衆法藥。練諸衆生。安樂一切。漸見超登。住法雲地。恩澤普潤。慈被無外。攝苦衆生。令入道迹。是故此人。不久得成阿耨多羅三藐三菩提。善男子。是名是經第十功德。不思議力。善男子。如是無上大乘無量義。經極有大威神之力。尊無過上。能令諸凡夫。皆成聖果。永離生死。而得自在。是故此經。名無量義也。能令一切衆生。於凡夫地。生起諸菩薩無量道芽。令功德樹蔚茂。扶疎增長。是故此經。號十不可思議功德力也。於是大莊嚴菩薩摩訶薩。及八萬菩薩摩訶薩。同聲白佛言。世尊。佛所說甚深微妙。無上大乘無量義經。文理真正。尊無過上。三世諸佛。所共守護。無有衆魔羣道。得入不爲一切邪見生死之所壞敗。是故此經。乃有如是十種功德。不思議力。大饒益無量一切衆生。令一切諸菩薩摩訶薩。各得無量義三昧。或得百千陀羅尼門。或令得菩薩諸地。諸忍。或得緣覺羅漢。四道果證。世尊慈愍。快爲我等說。如是法。令我大獲法利。甚爲奇特。未曾有也。世尊慈恩。實難可報。爾時三千大千世界六種震動。於上空中。復雨種種華。天曼鉢羅華。鉢曇摩華。拘物頭華。分陀利華。又雨無數種種天香。天衣。天瓔珞。天無價寶。於上空中。旋轉來下。供養於佛。及諸菩薩。聲聞大衆。天廚天鉢。器天百味。充滿盈溢。見色聞香。自然飽足。天幢天幡。天幢

蓋天妙樂具處處安置。作天伎樂歌歎於佛。又復六種震動東方恒河沙等諸佛世界。亦雨天華天香天衣天瓔珞天無價寶。天廚天鉢器天百味。見色聞香自然飽足。天幢天幡天幘蓋天妙樂具。作天伎樂歌歎。彼佛及諸菩薩聲聞大眾南西北方四維上下亦復如是。爾時佛告大莊嚴菩薩摩訶薩及八萬菩薩摩訶薩。汝等當於此經應深起敬心。如法修行。廣化一切。勲心流布。常當慇懃晝夜守護。普令衆生各獲法利。汝等真是大慈大悲。以立神通願力守護。是經勿使疑滯。於當來世必令廣行闡浮提。令一切衆生使得見聞讀誦書寫供養。以是之故。亦令汝等速得阿耨多羅三藐三菩提。是時大莊嚴菩薩摩訶薩與八萬菩薩摩訶薩。即從坐起來詣佛所。頭面禮足。遶百千匝。即前胡跪俱共同聲白佛言。世尊。我等快蒙世尊慈愍。爲我等說是甚深微妙無上大乘無量義經。敬受佛勅。於如來滅後當廣令流布。是經典者。普令一切受持讀誦書寫供養。唯願世尊勿垂憂慮。我等當以願力普令一切衆生使得見聞讀誦書寫供養。得是經法威神之力。爾時佛讚言。善哉善哉。諸善男子。汝等今者真是佛子。大慈大悲。深能拔苦救厄者矣。一切衆生之良福田。廣爲一切作大良導。一切衆生大依止處。一切衆生之大施主。常以法利廣施一切。爾時大會皆大歡喜。爲佛作禮受持而去。無量義經。

妙法蓮華經目錄

卷一

御製序 明太宗文皇帝製

弘傳序 唐沙門道宣述

序品第一

方便品第二

卷二